

Fra: Øyvind Strømmen <oyvindstrommen@gmail.com>

Sendt: 06.09.2021 10:08:28

Til: Knut Harald Frøland <knut.harald.froland@samnanger.kommune.no>, Postmottak Samnanger <postmottak@samnanger.kommune.no>, Jan Erik Boge <jan.erik.boge@samnanger.kommune.no>

Kopi: Samningen <post@samningen.no>, Oskar Røen <oskarroen@gmail.com>, Magni Petersen <magni.petersen@samnanger.kommune.no>, Arild Røen <arild.roen@dnb.no>, Shirin Kvernes Khadoor <shirin_khadoor@hotmail.com>

Emne: Krav om lovlegkontroll, sak 066/2021

(Er usikker på min førre e-post gjekk gjennom som han skulle, sender difor denne ein gong til)

Krav om lovlegkontroll

I sak 066/2021 i ekstraordinært kommunestyremøte 2. september 2021 vart det gjort følgande vedtak: "Øystein Granheim vert konstituert rådmann i Samnanger kommune etter tilbod frå Agenda Kaupang".

Som det framgår av vedlegg til saka, gjeld tilbodet frå Agenda Kaupang innleige av arbeidskraft. Det går fram av § 13-1 i kommunelova at kommunestyret sjølv skal tilsetja ein kommunedirektør. I Overå og Bernt si kommentarutgåve til kommunelova heiter det: "Selv om stillingen som kommunedirektør ikke er gitt status som et eget kommunalt/fylkeskommunalt organ, kan det ikke herske tvil om at denne stillingen har en markert særstatus innenfor den kommunale/fylkeskommunale forvaltningen. Det vil dermed ikke være adgang til å la et konsulentfirma ved en spesielt utpekt medarbeider fungere som kommunedirektør i kommunen/fylkeskommunen" (s. 297, også referert til i eige notat lagt ved kommunestyresaka).

Med dette som utgangspunkt, finn underteikna grunn til å stilla spørsmål ved om vedtaket i kommunestyret var lovleg.

Dersom kommunestyret likevel har høve til å velgja ei slik løysing, vil etter vårt skjønn reglane i lov og forskrift om offentlege anskaffingar gjelda. Sidan det berre er henta inn eitt tilbod i denne saka, finn underteikna grunn til å stilla spørsmål ved om vedtaket var lovleg etter desse reglane.

På denne bakgrunn set underteikna kommunestyrerepresentantar med dette fram krav om lovlegkontroll av vedtaket i sak 066/2021, gjort i ekstraordinært kommunestyremøte 2. september 2021, jf. kommunelova §27-1.

Shirin Kvernes Khadoor
Arbeidarpartiet

Øyvind Strømmen
Miljøpartiet Dei Grøne

Arild Røen
Høgre